

Polo planeta e por todas as persoas que o habitan: sementemos futuro.

Este ano a campaña céntrase nos seguintes Obxectivos de Desenvolvemento Sostible (ODS): **ODS 7: garantir o acceso a unha enerxía accesible, segura, sostible e moderna** e **ODS 13: adoptar medidas urxentes para combater o cambio climático e os seus efectos.**

Entre estes dous obxectivos hai relacións evidentes: para conseguir frear a emerxencia climática, causada polas emisións de efecto invernadoiro, necesitamos apostar por enerxías limpas e renovables. Desta maneira lograremos un escenario propicio para o coidado do planeta e o desenvolvemento pleno de todas as formas de vida, incluída a humana.

Para as nosas entidades é **moi importante poñer fin a dous dos problemas máis urxentes contra os que se enfrenta o noso planeta:** o cambio climático, e a queima desmedida de combustibles fósiles, moi contaminantes e condenados a esgotarse.

<https://www.un.org/sustainabledevelopment/es/climate-action/>



CADA XESTO CONTA



REAVALÍA: Que valores inspiran a túa vida? a solidariedade, a corresponsabilidade, a cooperación, fomentar o respecto e o coidado cara ao o medioambiente e a natureza son valores esenciais para o cambio.



RECONCEPTUALIZA: Como describirías o teu estilo de vida? É necesario cambiar a nosa forma de ver e estar no mundo, poñendo no centro a sustentabilidade. Redefinir conceptos: que son para ti a riqueza e a pobreza? que é para ti unha necesidade? cres que poderíamos vivir ben (ou mellor) con menos?



REESTRUTURA: Dá prioridade a outro tipo de economías, por exemplo, a economía social e solidaria, baseada en principios de igualdade, transparencia, vida comunitaria, cooperación e respecto ao medioambiente. Poñer os coidados, e non a economía, no centro da vida.



RELOCALIZA: Consume produtos cultivados localmente e de temporada. Pensa global e actúa localmente.



REDISTRIBÚE: Para que todo o mundo poida ter unha vida digna debe existir un reparto equitativo da riqueza, garantindo o acceso de todas as persoas de maneira igualitaria aos recursos naturais.



REDUCE: Apostando, por exemplo, por fontes de enerxía limpas e renovables para reducir a contaminación e o impacto sobre o medioambiente, axustando o noso consumo ás nosas necesidades reais. Consomes de forma responsable? compras o que necesitas?



REUTILIZA: Algunha vez pensaches en reparar un produto en vez de substituílo? Coidar o que temos, apostar polo duradeiro, evitando tirar lo que aínda se pode utilizar.



RECICLA: E ti reciclas? Mediante a reciclaxe podemos recuperar a materia prima de moitos residuos, evitando a extracción de novos recursos e a perda de enerxía asociada ao seu transporte e produción.




1. Latouche, Serge. (2008) "L'aposta pel Decreixement", Ed. Icària

Pensa...
cales cres que son os efectos do cambio climático?

Que podes facer ti no teu día a día para cambialo?

Imaxinas cal pode ser o tamaño da túa pegada ecolóxica?

O cambio é agora, non cheguemos a isto



PERSONAS QUE INSPIRAN



Wangari Muta Maathai (Kenia): Impulsora do Movemento Cinto Verde, dedicado á protección do medioambiente e á promoción das mulleres. Desde a súa creación plantáronse en Kenia mas de 50 millóns de árbores. No año 2004 recibiu o Premio Nobel da Paz.



Vandana Shiva (India): Defensora dos dereitos dos pobos, comprometida coas mulleres e, en especial, coa Terra. Reivindica unha transformación que acabe co cambio climático, a desigualdade, a inxustiza, as guerras e a fame.



Berta Isabel Cáceres (Honduras): Defensora dos Dereitos Humanos, cofundadora do Consello Cívico de Organizacións Indíxenas Populares (COPINH), plataforma desde onde se organizan campañas en contra das grandes corporacións que atentan contra os Dereitos Humanos e a Terra. En 2016 foi asasinada por defender o seu territorio e os dereitos do pobo lenca.



Sonia Guajajara (Brasil): Activista medioambiental e coordinadora da Articulación dos Pobos Indíxenas de Brasil. Defensora de a Amazonía, ten voz no Consello de Dereitos Humanos da ONU, levou denuncias ás Conferencias Mundiais do Clima (COP) e ao Parlamento Europeo.



Alberto Curamil (Chile): Líder mapuche e gañador do premio Goldman pola defensa do medio ambiente. Integrante da organización Alianza Territorial Mapuche, na última década levou a cabo accións de defensa do río Cautín, ante diversos proxectos hidroeléctricos, motivo polo cal foi encarcerado.

